

# MEMORANDUM I MIRËKUPTIMIT PËR BASHKËPUNIM TË NDËRSJELLTË

MAJ 2023

UNIVERSITETI I ARTEVE, TIRANË | PLATFORMA AKADEMIA SH.P.K | CROSSPLAG L.L.C

## MEMORANDUM I MIRËKËPTIMIT PËR BASHKËPUNIM TË NDËRSJELLTË

mes

Universiteti i Arteve, Tiranë

dhe

“Platforma Akademia” L.L.C / Crossplag L.L.C

Më datë 02.05.2023, në mjediset e Universitetit të Arteve Tiranë, u zhvillua takimi institucional midis Universitetit të Arteve Tiranë, përfaqësuar nga Rektori i tij, **Prof. Kastriot Çausi**

Dhe

Platformës Akademia L.L.C / Crossplag L.L.C, përfaqësuar nga CEO i saj, **Z. Besart Kunushevc**, për nënshkrimin e Memorandumit të Mirëkëptimit për bashkëpunim të ndërsjellë.

Në vijim të bisedimeve paraprake teknike, të dy institucionet impenjohen për sa më poshtë vijon:

### I. Qëllimi i Memorandumit

1. Përmes këtij memorandumi të mirëkëptimit palët nënshkruese kanë shprehur vullnetin dhe gatishmërinë për bashkëpunim të ndërsjellë. Ky memorandum ka për qëllim të përcaktojë bashkëpunimin mes Universitetit të Arteve, Tiranë dhe Platformës Akademia Sh.P.K, Prishtinë në fushën e kontrollit antiplagjiaturë për studentët e Universitetit të Arteve, Tiranë. Platforma Akademia Sh.P.K përmes nënkompanisë së saj Crossplag L.L.C do mundësojë procesin e ndërveprimit, komunikimit dhe kontrollimit të dokumenteve për Universitetit të Arteve, Tiranë.

### II. Fusha e veprimtarisë

1. Përmes këtij memorandumi mirëkëptimi rregullohet dhe përcaktohet procesi i kontrollimit antiplagjiaturë të punimeve teorike dhe punimeve të studimeve të doktoraturave për Universitetin e Arteve, Tiranë si dhe i qasjes së kandidatëve të këtij universiteti.
2. Platforma Akademia Sh.P.K, zotohet të ofrojë sistemin antiplagjiaturë përmes markës Crossplag.com në mënyrë që të mbështetet procesi i pagesave përmes kartelave (llogarive) individuale të kandidatëve.
3. Platforma Akademia Sh.P.K zotohet se brenda afatit prej 10 ditë pune nga nënshkrimi i këtij memorandumi nga të dy palët, të ofrojë qasje **pa pagesë** për Universitetit të Arteve, Tiranë. Kjo qasje nënkupton që Universiteti i Arteve, Tiranë do të ketë qasje në llogarinë “**Vlerësues**” përmes së cilit kryhen aktivitetet si më poshtë:

- a. **Regjistrimi** i kandidatëve të doktoraturës përmes formës së regjistrimit ku duhen ofruar të dhënat bazë mbi kandidatin si: Emri, Mbiemri, Adresa Elektronike dhe gjuhët për kontroll.
  - b. **Ofrimi i qasjes në dokumentet e ngarkuara** nga studentët dhe të ketë privilegje të vlerësimit të këtyre dokumenteve.
  - c. **Shkarkimi i raporteve** për përdorim *offline*
  - d. **Shkarkimi i certifikatës së ngjashmërisë**
  - e. **Qasje në statistika**
4. Platforma Akademia Sh.P.K zotohet të mundësojë procesin e ngarkimit dhe pagesave individuale për studentët me oferta preferenciale. Rrjedhimisht, çdo kandidat i ftuar nga Universiteti i Arteve Tiranë ka funksionalitetet si në vijim:
- a. *Pranon* ftesën nga Universiteti
  - b. *Aktivizon* llogarinë
  - c. *Kryen* blerjen përmes ofertave:
    - i. Custom – 5,000 fjalë për 8.95€
    - ii. PHD Thesis – 99.99€
  - d. Merr rezultatin pas kontrollit nga vlerësuesit e Universitetit.
5. Në anën tjetër Universiteti i Arteve, Tiranë vlen të theksohet se, ***nuk do ketë asnjë implikim financiar si institucion dhe, rrjedhimisht zotohet që të përdorë Platformën Akademia, respektivisht Crossplag.com, që t’ju mundësojë studentëve të kryejnë kontrollin antiplagjiaturë.***
6. Universiteti i Arteve, Tiranë ***zotohet se do të ofrojë listën e vlerësuesve*** (personeli akademik që do të përdorë platformën) në mënyrë që atyre t’ju hapen llogaritë e vlerësimit. Gjithsesi, Platforma Akademia mbetet e hapur, që bazuar në udhëzimet e Rektoratit të Universitetit të Arteve, Tiranë të bëjë çaktivizimin e llogarive të personelit akademik, apo shtimin e përdoruesve të rinj sipas nevojës.
7. **Kohëzgjatja** e këtij memorandumi është ***12 muaj***, me mundësi rinovimi. Në rastin kur Palët nuk njoftojnë ndryshe me shkrim, atëhere rinovimi kryhet në mënyrë të heshtur.

### III. Përdorimi i informatave dhe dokumentacioni

I. Palët pajtohen që çdo informacion, dokument apo të dhëna, të shkëmbyera apo të pranuar sipas këtij Memorandumi të Mirëkuptimit, do të përdoren vetëm për qëllime të lejuara dhe brenda përkufizimeve të përcaktuara me këtë dokument. Palët nuk do të shpërndajnë apo bëjnë publike asnjë informacion, dokument apo të dhëna ndonjëherë palë për qëllime tjera, jashtë përkufizimeve të përcaktuara me këtë



Memorandum apo që mund të bien ndesh me frymën e këtij, pa aprovim paraprak të palës tjetër;

- IV. Palët do të përdorin dhe trajtojnë çdo informacion, dokument apo të dhëna si komunikim të ndërsjelltë me besueshmëri të plotë;
- V. Çdo mosmarrëveshje, keqkuptim në realizimin e këtij Memorandumi, do të zgjidhet në frymën e tolerancës, mirëkuptimit dhe në bazë të suazave të kodit moral.
- VI. Ky Memorandum hynë në fuqi ditën e nënshkrimit, përpos nëse parashihet ndryshe me marrëveshje nga ana e palëve të përfshira në memorandum.

### SHTOJCA E DOKUMENTEVE

Bashkëngjitur me këtë Memorandum janë edhe dokumentet përcjellëse si në vijim:

1. Oferta e aprovuar
2. Udhëzuesi i përdorimit për llojin e llogarisë "Vlerësues"
3. Udhëzuesi i përdorimit për llojin e llogarisë "Student"
4. Lista për informata rreth vlerësuesve

### PALET NËNSHKRUESE

Universiteti i Arteve, Tiranë

Prof. Kastriot ÇAUSHI  
Rektor  
Tiranë, më 02.05.2023

Nënshkrimi dhe Vula

Platforma Akademia Sh.P.K / Crossplag  
L.L.C

Besart KUNUSHEVCI  
Drejtor Ekzekutiv  
Për Besantin

Nënshkrimi dhe Vula